



28. januar 2021

Inatsisartut ingerlatsinermut malittarisassaanni § 37 imm. 1 tunngavigalugu Naalackersuisunut imaattunik apeqquteqaateqarpunga.

**Naalackersuisunut apeqqutit:**

**1. Naalackersuisut sunik iliuuseqarniarluni eqqarsarpa kalaallit atuisartut pitsaannerusumik atugaqarnissaannut, taakku qallunaat nunaanni utertitassanik pisinerminni akileeqqittarnissaat pingitsoorniarlugu.**

**2. Naalackersuisut utertitsinermut iliuusissamik nutaamik pilersitsinissamik eqqarsaateqarpat, qallunaat nunaanni utertitassanut atorsinnaasumik?**

**3. Naalackersuisut qallunaat naalagaaffiat atassuteqarfigerusuppaat immikkut ittumik isumaqatigiissusiornissaq siunertarlugu, taamaaliornikkut kalaallit tikisitsisartut qallunaanut poortuutitut utertitassanut akiliisinnaaqqunagit momsimum akiliinnginnissamut isumaqatigiissutip pioreersut assiganik?**

**4. Naalackersuisut piumaffineqarput isumassarsiat, apeqqummi 2-mi aamma 3-mi taaneqartut piviusunngortinneqarnissaannut, aningaasatigut allaffissornikkullu kingunissaat nalilersoqqullugu.**

**5. Naalackersuisut oqaluuserisamut attuumassuteqartunik allanik paasisutissaateqarpat?**

(Inatsisartunut ilaasortaq Justus Hansen, Demokraatit)

**Tunngavilersuut**

Utertitsinermut malittarisassat atuuttut ima isumaqarput, Nunatsinni pisiniarfii inuussutissanik nioqqutillit qallunaat nunaannit poortuutitut utertitassanut akiliisartut, Danmarkimiit nioqqutissanik tikisitsigaangamik. Taanna aningaasartut akilerneqartussaavoq atuisumullu akilersinneqakkajulluni.

Tassa imaappoq, arlalissuartigut nioqqutissamut 1 aamma 3 koruunimik akisuninngorlugu akiliisoqartartut, qallunaat poortuutissanik utertitassanik atuisimappata. Ullumikkut tamanna gas-inut aammalu puiaasanut utertittakkanut atuuppoq. Qallunaat Nunaannut malinnaalaaanni, ersarippoq takussallugu tusaassallugulu, tassani unikkunngitsoq.

Nioqqutissanut poortuutitut utertitassanut annertunerulersitsinissamut isuma piviusunngussooq, apeqqutaaginnarpoq qaqugu pissanersoq. Nunatsinni poortuutitut utertitsarnitsinnut pissutsit eqqarsaatigalugit suliap taassuma kivinnissaanut nukissaqanngilagut.

Tamanna tunngavigalugu isumaqarpunga, pisariaqartoq, tassunga qisuariarnissaq aammalu nammineerluta imaluunniit Qallunaat Nunaat suleqatigalugu aaqqiissutissamik nassaarniassasugut, qulakkeerinnittussamik, nunatsinni atuisut nioqqutissanut aaliangersimasunut akilivallaartannginnissaat, utertitsinermut akiliut nioqqutissap akianut toqqorlugu akiliisitsisarnerup kingunerisaanik.

Apeqqutima ullut suliffiusut qulit nallertinnagit akineqarnissaat kissaatigaara.